



تورک یوردی

تورک ادبیاتلری مرکز هییتی طرفندره نشر اولونور

جلد ۴

تشرین ثانی ۱۹۲۶

نومرو ۲۳

» مہاج میدانہ محاربہ سنک

۴۰۰ نجی یل دونومی

۲۲ آغستوس ۱۹۲۶ ده ماجارستانده مراسم یاپیلماش و بو مراسمده سفیر من خسرو بکک، حاضر بولونهرق کنج تورکیه جمهوریتی نامنه بو قارداش ماتمنه اشتراک ایتماش اولدیفنی بعض غرته لر من قیصه جه قید ایتماش و سفیر منک نطقنی عیناً درج ایتماشردی . بودفعه قارئلری من بویاسلی کونک ماجار ملی مطبوعاتنده کی عکسلرندن خبردار ایتکی فائده لی و علاقه بخش کوردیکمز ایچون مراسم مناسبتیه محلی غرته لرده نشر ایدیلن بعض تاریخی مقاله لری و سرد ایدیان فکرلری نقل و خلاصه ایدیورز :

مہاج محاربہ سی

بو کون ماجارستان استقلالنک مهاج اوواسنده محو اولدیفنک دورت یوزنجی سنه سیدو . دورت یوز سنه اول ، عینی کونده ، ۲۹ آغستوسده ، قرال ایکنجی لایوشک طوپی ۲۷ بیک کیشیلک اوردوسی سلطان سلیمانک ۱۲۰ بیک کیشیلک تورک اوردوسیله چارپیشمشدی . محاربہ نکرته نتیجه ویره جکندن بر نانیه بیله شبهه ایدیه مزدی . ماجار اوردوسی آغیر برهزیمته اوغرامش ، اوردونک اک کزیده عنصری و بونکله برلکده هم قرال ، همده ماجار استقلاللی محو اولمشدی . مورخلرک بیاننه کوره تورک اوردوسی دها قرال مانیاش زماندن بری دوچار اولدیفنی مغلوبیت آجیسنی چیقارمق ایچون سلطانک قومانداسنده ماجارستانه گلشدی . ده اوزمان تورک اوردوسنک پارلاق آقینچی سواریس، توفکلی یکچیچی آلایلری

وتجربه لی خبره جیلری قانله صولانمش حرب میدانلرنده ترك جان ایتمشلر وقوما -
ندانلرینک اسملرینی تاریخ دفته یاپراقلیله صارمشدی . ماجارلرک ده قوماندانلری
بیله یوقدی ؛ ودها دوشروسى آنجاق ایکی دانه واردی : ژان زاپولیا ایله
قریستوف فرانکه پان ، فقط هرایکینسینده سرایک فتنه کار هیئتى موقعلرندن اسقاط
ایتمشلردی . سرای یالکز اکلنیور کیف ایدیوردی . قرال راقوشده آت
قوشولری ترتیب ایدیور ، قرالیچه ایسه شاتوده بالولر ویریور و بوراده صباحلره
قادار دانس ایدیوردی .

بولوطسز سمان سوزولن بر شمشك کی ، برکیجه ایکی اصیلزاده بوز
قلعه سنه داخل اولدی . بونلر ، سلیمانک قرارگاهندن قاچان حرب اسیرلری
ایدی . سلطانک عظیم اوردوسنک ، یاقینلرده ، طونه ایله سادا اوکلرنده بولوندیغی
بوکون یارین مملکت حدودینه کیرمش بولونه جنی خبرینی کتیرمشلردی .
بونک اوزرینه فنا حلاه قورقدیلر و مایوسانه برتلاش باشلادی . ایمپراطور
فردینسانده ، قرال ژینمونده و پاپایه ایلچیلر کوندردیلر . فقط یالکز پاپا امداد
یعنی پارا کوندردی ، که بونکه پاپانک سفیری برطاقم موراوایی علوفه جی عسکرلر
طوتدی وویانه دن توفک وباروت صاتین آلدی . قانلی قلیجی ده طاشیدیلر . فقط
نافله ماجار قلعه لری بربری آردنجه سقوط ایدیوردی :

ماجار اصیلزاده لری تیره نمدیلر و :

— اوکجه قرال کیتسین دیدیلر .

یاواش یاواش جمعا ۲۷۰۰۰ کیشی ، سانجاق عسکرلری ، اهلر و موراوایی
علوفه جیلر ، قرالک بایراغی آلتنه طوپلاندیلر . قرال بورادن یاقشه دوشرو
حرکت ایتدی . ایمپراطور سلیمانک زیمونی دن مملکت حدودینی کچدیکی خبری کلیر
کلز بسقبوس قالوچان توموری یالده اوردویه التحاق ایتدی .

بوآز موجودلو ماجار قوتلری جبری یوروپوشلرله مهاج اتکلرینه واردیلر .
ودرحال یوکسک تپه جککری اشغال ایتدیلر ، که بورالردن — اوپله دوشونویور -
لردی — تورکلری پوسکورتمک قولای اولاجقدی . وعددجه آاز ماجار اوردوسنی

اوزون برخط حالده صف حربہ صوقدیلر، که بوندن مقصد تورکک آرقه‌دن ویا یاندن واقع اوله‌جق یارمه حرکتلرینه قارشی کلک ایدی .
برقاچ کون صوکرماجار اوردوسی اوکنده کوروندیلر ، بوتلر سلیمانک کندیلرینه هجو ایتمه‌سنی بکله‌دیلر ، بوصورتله تورککلرک حرب پلانلرینی تطبیق ایتمه‌لرینه میدان ویردیلر .

سلیمان جنوب نواحیسنده قوماندانلری اوکنده سفت‌به‌تر تپه‌لرینه دوغرو آت س-وررکن اوزون صف حربہ دیزلمش ماجار آلایلرینی کوزدن کچیریور ، عینی زمانده بوتون حرب میداننی کوز آلتنه آلیوردی . آتندن ایندی ، برنماز قیلدی . مفرط هیجانندن کوزلرندن یاش آقیور ویاناقلرندن آشاغی‌یه یووارلا- نیوردی . قوماندانلری‌ده آتلرندن ایندیلر ویوزلریله سجده‌یه قاپانه‌رق ظفرایچون مناجاتده بولوندیلر. صوکر اتمکرار ا کرلرینه آتلایه‌رق فرقه‌لرینی حرکت کتیردیلر .
پیشدار قسمنی روم ایلی آلایلریله صدر اعظم ابراهیم پاشا اداره ایدیور ، دیگر جبهه‌سی (آناتولی قطعاتی) اوکنده بهرام پاشا آت اوینادیوردی . آره- لرنده معیت افرادی وتوفک انداز یکچیریلرله سلطان کلیوردی . بوتلرک صفلری اوکنده طوپلر - بر صیره‌ده بربرلرینه زنجیرله باغلانمش اوج یوز طوب - کورولده یوردی .

توموری درحال ته‌لکه‌یی فرق ایتدی ودولو دیزکن قراله قوشدی . احتیاط اوردوسی اولمادینی ایچون صف حربی بوزمقسزین آنجاق قرالک آلاینی - معیت محافظه قطعہ‌سنی - بال کجه قارشی سوق ایتک ایجاب ایدیوردی . راشقایک اداره ایتدیکی بوشهیدلر درحال حرکت کیردیلر . سکسان بیک کیشی‌یه قارشی بیک کیشی . .

توموری عزمکار برسسه : آرتق قطعی هجومدن باشقه چاره یوقدرده‌یه‌باغیردی . کری‌یه کندی قرارگاهنه قوشدی ، بورونی اوتدوردی . بوکا مقابل ، بهرونی به‌ترک بورولری شدتله اوتدیلر وصفلرک براوجندن اونه‌کی اوجنه قادار تثلیث صداسی چینلادی :

یه زوش ! یه زوش ! یه زوش !

اوزمان قرالک باشنه کوموش طولغه یی کیردی لر . حادثه یی کورن بر مورخ
 شنه طولغه یی طاقدقاری زمان یوزینک بالمومی کبی صاراردیغنی قید ایدیور .
 محاربه یه بسقبوس توموری نك عسکری باشلامش ودرحال صدر اعظم ابراهیمک
 وردوسی یارمشدی . دیرکن ایکنجی لایوش ده بوروزانلری چالدرمش وایکنجی
 رقه سیله سلطانک آناتولی قطعاتنه تعرض ایتشدی . کندیس ی و « قالاندوش »
 رقه سنك اوکنده قلیج صاوورووردی . بوفره ممتاز ، بابا یکیت دلیقانلیردن
 سرکب برجاعتدی ، بونلر صلح زماننده قرال نفوذینک محافظه سی ایچون تشکل
 یتیشلر و - ایجاب ایتدیکی زمان - تحت وتاج اغورنه سلاحه حرب ایدیورلردی .
 قرال شمعی بونلری اداره ایدیوردی . تاریخک بیاننه کوره کندیس ده قهرمانجه
 حرب ایتیش و آتشین جنکده یارالانمشدی . یارالانمش ، فقط قارشیننده کی دوشمانی
 قلیج جلامشدی . سرای ضابطانندن زه تریچ اولریک قرالک یارالاندیغنی کورونجه
 ایکنجی لایوشک آتک کملرینی یاقه لامش وقرالی ده ایلری به هجومدن منع ایتیش ایدی .
 مع مافیه قالاندوشلرله ایکنجی فرقه ایلری یوروشلرینه دوام ایدیور ،
 یوز چویرن دوشمانی طوپلره دوغرو سوروب اوکلرینه قاتیوردی . بوجهرانی
 دقیقه ده بهرام پاشا کله کیمه ، تورکه می ماجاره می ، اصابت ایده جکنی دوشونمکسزین
 طوپلری - اوچ یوز طوپی بردن - آتش ایتمه سی امرینی ویردی . . بومدهش
 و بی رحمانه امرک اعطاسنی وضعیتک امثالسز و خاکی ایجاب ایتدیریوردی ، قازانیلان
 نتیجه بوکا حق ویریوردی و بو حرکت مغلوبیتی ظفره قلب ایتدی .
 اوچ یوز طوپ دهشتناک برطراقه ایله کورله دی . بونلرک ثولوم صاجان
 اغزلرندن برکیلو متروودن فضله برخط اوزرنده اوزون بر آله و پاریلدادی . و بر
 دقیقه صکره صیره صیره جسد ییغینلری - عسکرلر آتلقارمه قاریشیق برحالده -
 داغلر تپلر اوزرنده بی روح یان یانه یاتیوردی .
 غیرمنتظم قطعات قالاندوشلردن کری یه قالان کوچوک قطعه ، بر آن ایچون
 دوراقلادی . فقط بر آن ایچنده دها وحشی بر هجومله طوپچیلری یاردیلر و خبراجیلری

دوغرادیلر وایچلرندن اوتوز اوچی او قادار موفقیتله ایلرلردی که بالذات سلیمان کندی حیاتی محافظه ایچون قلیج چکمکه مجبور قالدی . او زمان یکیچریلر بو قهرمان یکتیلرک قارشیلرینه چیقدیلر و کندیس یاتاغانلریله آتلیک سیکرلرینی کسمک صورتیه سواریلرینی یره دوشوریورلر و اوزرلرینه قلیجلریله اوشوشیورلر وچیکنه یورلردی .

تورک صف حربی یارم رق دوه لر قرارگاهنه واصل اولان ایکنجی بر قطعه بوراده بالی بکک آلایلری طرفندن قوشادیلر رق قلیجدن کچیریلدیلر . بونک اوزرینه قاچان ماجار اوردوسنه قارشى تورک طویلری ویکيچریلرک توفکلری دها بر دفعه کورله دی .

بو ائشاده بوشانان آتی بر قاصیرغه ، طوفان انکیز بر صاغاناق واساساً انهزام ایتمش اولان ماجار اوردوسنی بوسبوتون پریشان بروضیته سوقدی . همان یکریمی بیکدن فضله ماجار قهرمانک جسدی مهاج اوواسنی اوردی . قاچانلر آراسنده قرالده واردی . اوزرنده کی آغیر زرهلرله چله ایرماغنی کچمک ایسته یوردی . فقط آتی سورچه رک قرال آلتنه یووارلاندى . بوصورتله ذاتاً طغیان ایتمش اولان چهلر ایرماغک صولری ایچنده محو اولدی . بوتون قوماندانلر اوکلرنده باش بسقپوس توموری پال قالوچانده داخل اولدینی حالده ، دها بش بسقپوس و ۵۲۰ دن فضله اصیلزاده تلف اولدیلر . سلطان مهاجده کی غالییتدن صوکره دها ایلهری کیده رک بودا قلعه سنی یاغمایه ویرمش ، فقط ایکنجی لایوشک زوجه سی بلوراده مانیاش قرال زمانندن قاله قیمتدار خزینه بی آوستریا ایمپراطور . رینک وپانه ده کی سراینه قاچیرمشدی .

بودایشته ده منتشر örallo (نوبجی) عنوانی یومی عزته نک ۱۶ تشرین اول ۱۹۲۶ تاریخلی نسخه سندن :

مهاج

مهاج محاربه سنده کی مغلوبیتمزک سبیلری ایکی قسمه آیریله بیلیر : عسکری و سیاسی . بونلرک ایکپسی برلرندن تماماً آپرله ماز . بر دفعه سبیلردن بری شوکه

۱۵۲۰ ده تورک ایمپراطورلنی تختنه ایکنجی سلیمان کی بر شخصیت چیقمشدی .
 بو ایمپراطورلق اوزمان معلوم دنیاده اک برنجی عسکری دولتدی . تورک دولتنک
 غایه سی - بو اساساً دیی بر امر ابجابیدر - اتساع ، استیلادر . شیمدی ممتاز بر سلطان
 وارکه بونک اک یوکسک غایه سی خریستیانلره تعرضدر . ناصل ؟ بونک ایچون
 بر فرصت چیقمشدر . فرانسز قرالی برنجی فرانسوا پاویاده آلمانیا ایمپراطوری
 واسپانیا قرالی شارلکنه قارشى مغلوب اولمشدر . حتی بالذات فرانسوا اسارته
 دوشمش واسپانیایه کوتورولمشدر . بوندن تهوره کله رک خریستیان دنیاسنجه محقر
 مشرکلهر عد اولونان تورکلهرله اتفاق ایتمکی تکلیف ایتمشدر . بو تکلیف سلیمانک
 نام ایشنه کلیور . چونکه خریستیانلره ده کیزدن جنوبی ایتالیا طریقله هجوم ایتمک
 ایسته یوردی ، که بورالک بویوک بر قسمی آلمان ایمپراطورلنی اولکه سی ایدی .
 سلیمان ایسه بو آلمان ایمپراطورینی و (هابسبورغلی) کندیسى ایچون اک تهلمکلی
 رقیب عدایدیوردی ؛ اونک ایچون شمالی ایتالیا ته عرض ایتمک حاضر بولونویوردی .
 دها حرب حاضرلقلری ایجه باشلامه در فرانسوا اسارتدن قورتولویور و آرتق
 تورک اتفاقنه پک احتیاجی قالمایور . ایشته دها اوزمان بوراده تورک ایلیچیلری
 بولونوبور ، بوتلر ماجار قرالندن تورک عسکرینک شمالی ایتالیا ته کچمک ایچون
 ماجارستان ساحلارندن نقل ایدیلرینه مساعده ایسته یورلردی . شبهه سز ، مهم
 بر مسئله ، فقط اوزمان تورکلهرکی کی معظم بر قوته قارشى بازارلنی اوزاتمق
 عقلیلیق کارى دکیلدی . نته کیم لهستان صلحده قاله بیلسین دیه بش سنه لك ویرکی
 ویرمکی قبول ایتمشدی . حالبوکه بو دینده هر شیدن اوکجه هابسبورغلرک منفعتی
 ایلری کچور ، یالکز تورکلهرک مرورینه مساعده ایتمه مکله قالمیورلر ، تورک ایلیچیلرینی
 محبوس طوتویورلر . بوکا بنساء سلیمان باش دوشمانی اولان هابسبورغلریرینه
 ماجارستانه تعرض ایتمکله قرار ویریور ، اساساً ماجار قرالنک زوجه سی هابسبورغ
 خاندانه منسوب بر قیزدر . ۱۵۲۵ ده حرب حاضرلقلرینه باشلا یور .
 جاسوس و وelecese لرك اولدچه وقتنده کتیردیکی بو خبره قارشى ماجارستانده
 نه وار ؟ . مانیاش قرال زماننده ماجارستان نه قدار بویوک ایدیه اونک اولومندن

صوکره اوقادار آچالمشدی . آییلر کیتدکجه آره دن چکیلیورلردی . دولتی اوافق بر منفعت زمهره سیالنده طوتویوردی ، بونک باشی و او زمانکی قرال نائی باتوری اشتیوان ایدی که بو او قاراکلق زمانلرک اک مشوم سیاسیدر . قرالک سراینده تورکلرک حرب حاضرلقاری خبرینه پک اهمیت ویریورلر ؛ بو منفعت زمهره سنک مخالفاری ایسه نفرت ایتدکلری مخاصم طرفک باشنه غائله چیقسین دیه خارجی سیاستده کی فناقلره قارشى سونیورلردی . وطن پرور قسم فلاکت بولوطلرینی کوروپور ، فقط برشی یامپور ، بلکه ده تهلککینی اوقادار بویوک کورمیور : ۲۳ نیسانده سلطان استانبولدن حرکت ایدیور . ماجارستان دها مدافعه یی دوشونمیوره ۲ حزیرانده نادور فوهه رواره کلیور . اوزمان ماجار اوردوسی نک تولناده تحشد ایتمه سی ایجاب ایدر ایکن کیمسه کلیور . که بو ، قرالک اطرافنی آلان آداملر علیهنه اولان خصومتک درجه سنی کوسترر . بو نفرتک بویوککلکنی کوسترن دها برشی ده تورکلرک قیصه بر زمانده (۵ تموز) ساوایی کچمه لری ودها ۲۷ تموزده مستر وارادینی آلمه لریدر . قرال نائی (باتوری ایشترانی) مدافعه ایچون دراوايه کوندریور . فقط هیچ کیمسه اونکله کیتمیور . ایشه بو اخلاقی سقوطک اک یوکسک درجه سی ؛ قرال نائی ایله ، قرالک وکیلی ایله کیمسه کیتمیور انه اولورسه کیمسه آلدیرمایور . فقط قرال نائی معیتنده خدمت ایتک ایسته میورلر ، نائبده بو وضعیتدن حجاب ایدرک استعفا ایتمیور .

عسکری نقطه نظرندن طبیعی دها چوق خطالر ایتدیلر . ماتیاشدن صکره کی ۳۶ سنه ظرفنده اورلاو تربیه سی مدهش سقوطه اوغرامشدی . یقشمش تک بر قوماندان یوقدی . توموری بر قوماندان اولامازدی ، او آنجاق اوافق ، غیر منتظم ، چته محاربه لرینی اداره ایده بیلیردی . بونکله برابر اونک سوزینی دیکله مش اولوبده آز چوق محاربه کورمشلردن مرکب ماجار اوردوسی « بارانیوار » اطرافنده کی باطاققلرده موضع آلمش اولسه لردی ۱۵۲۶ ده بلکه بی یوک بر ضربه حواله اولونه بیلیردی ، فقط بواپی پلانی قرالک آداملری عقیم براقیدیلر . اوردونک حرب کورمه مشلردی . مرکب اولدیغنی شوراسی کوستررکه برنجی صف حربک

ماغ جناحی تورك طوپلرینك آتشی قارشیسینده کری چکیلمکه باشلاخجه ایکنجی
نف حربك صاغ جناحی ده برابر سوروكله مشدر . نروده او اسوه چ اردوسنك
حرب کورمه مشدی ، بونلر لوتسن محاربه سینده کوستاو آدولفك وفاتندن صکره
آسه دوشمه مش ومظفریتی قازانمشلردی .

مورخلرمزدن کیالو فای یه نونك سوزلریله بجنه ختام ویره لم : مهاج محاربه سی
لوت ، مهارت وحسابلیقدن عاری بر کور شجاعتك آجیقلی انکساریدر .

آنجا ق اوراده تلف اولانلر حقنده شوقاداری سی سویله یه بیلیرزکه بونلر ك اك
بویوك قسمی ماجارستانك الك وطن پرور عنصری ایدی . بونلر کیمك قومانداسنده
حرب ایده جکلرینی دوشونمده دن ککشلردی . چونکه وطن فلا کتده ایدی ، حرب
ایتمشلردی ، چونکه وطنه دوشمان تجاوز ایتمشدی . بونلر وطن ایچون اولدیلر .
طوپال باتوری کبی دکر سزلر اوراده مهاج ارواسنده قالماملردر .

دوقتور سابر

تورك حكومتی ایلیجیس مہراج اوراسنده نہ آرابور ؟

« نه مزه تی اویشاغ (ملی غزته » نك ۲۲ آغستوس تاریخی نسخه سینده مجهول
بر محرر طرفندن ، مهاج محاربه سنك دورت یوزنجی ییل دونومی مناسبتیله اجرا
اولونه جق یاس مراسمنده تورك حكومتك ده ایلیچی کوندرمه سی علیهنده hirohont
قویو قاتولیکلك و ملی عزت نفس نقطه نظرنده یوکسك سسله سوز سویله یین بر
مقاله انتشار ایتدی . محرر بونده ۱۵۰ سنه لك تورك اسارتك خاطره سنك اونو-
دوله مایه جغنی توركلرك ملی حریت مجادله لری زماننده ماجار سیاسی قهرمانلرینی
حمایه ایتمه لری کیفیتك ده بو آجیقلفنی تهوین ایده مه یه جکفی سویله یه رك بر طاقم اعتراضلر
ایدیور . فقط اونودویورکه ، خریستیان اولمایان ومملکت مزه عیسوی محبت دستوری
ایله کله مش اولان توركلرك ۱۵۰ سنه لك حاکمیتلری صوکره کی هابسبورغ اداره سینده
کیریشدیکمز قورتولوش حربلرنده اولدینی قادار ضرر ویره مش ، اضطراب
چکدیره مشدر .

مقاله محرری بومراسم صیره سینده غریبه توجه ایتمه من واونلره وقتیه چکدیکمز

شهید عذابلرینی کوسترمة من لازمدر دیور ؛ فقط صورو یورز محترم غرب اوزمان
 وشیمدی تریانون صرہ سنده نرہده ایدی؟ محققدر که نه او وقت نه بو وقت میدانده
 کورونمہ دی ، بلکه لطفاً تنزلاً بزم کندیس ایچون جنک ایدوب قان دوکمه مزه ،
 حتی محو اولمه مزه مساعده ایتدی چونکه دولتمز بر چارپیشمه حکومتی ، وطنمز
 جنک میدانی اولمق اعتباریله ایشلرینه چوق ای کلیوردق . فی الحقیقه غربک عسکر-
 لری مجار محاربلرینک آل قانلری آرتیق ظفری تأمین ایتمش اولدینی بر زمانده
 کورونه بیلیر و اوزمان جگری بش پاره ایتمز علوفه جیلر بو ظفر دقنه لرینی دوشیردیلر ،
 ماجار کویلرینی صویوب صوغانه چویردیلر ، ملتی از دیلر قیردیلر ؛ وقالنلری ده
 اشکنجه محاکمه لری اوکنه چیقاردیلر . ایشته اومعهود استخلاص بو ایدی؟ تورک
 حاکمیتی زماننده حربلردن صوکره قلمش اولان کویلرده ، بو زمانکی محررلرک
 متعدد شهادت لرینه نظراً مسعود بر صلح حیاتی یاشانیوردی . هر کس راحت راحت
 صوینجه ، دیتنجه یاشایوردی . اوندن صوکره «قورتولوش» سفرلرینک صیرمسی
 گلش و ماجارستانی دینلنجی ، قاتولیک و آلمان یاقمق دعواسی اورتیه آتیلمشدر .
 بوکا قارشلی کلکه چالیشان ، عاصی صاییلور و سرسری قیامچی دیه اشکنجه
 ویا دار آغاچنه کوندریلیوردی . افلاس ایدن حریت مجادلرینک سور کونلرینی
 دوشمانلر من اولان تورکلر حمایه ایتدیلر . و ماجارلق اردل سایه سنده استقلالنی
 محافظه ایده بیلدی . اردل ایسه تورکلره خراج ویرن بر طوبراقدی . تورکلرک
 استیلاسی بر چوق ماجار قهرمانلرینک وقتندن اول کوچمه لرینه سبب اولمادیغنی
 و اوردولرینک آرقه سندن بر چوق آغلامه و فریادلر چینلامش اولمادیغنی سویله مک
 ایسته میورز و ایسته یه مه یز . فقط بونده ده بزی اوزاقدن تورکلر علینه تأمین ایدن ،
 فیشقیرتان غربک دها زیاده اولماسه بیله عینی درجه دخلی واردر ، او غرب که مظفر
 اولدیغمز زمان چاکلری جالدرمسنی بیلیردی . بو غرب ایچون مهم اولان جهت
 تورک سیلنک ویانه یه قادار کلامسی ایدی . یوقسه ماجارلره هیچ بر زمان حقیقی
 بر معاوندی بولونمادی واستقبالده ده بولونه جفنه انتظار ایتیه لم بوشدر . اونک ایچون
 بزم ۴۰۰ سنه صوکره غربک خاطری ایچون تورکلردن یوز چویرمه من جائز

دكلدر. تورك ملتنيك مهاجه ايلچي كوندرمه سندن نمون اولمالي يز، چونكه بو طرز
حر كتنده نه مزه تي اويشاغك حيرتدن پارماق ايصيرتان مقاله سنده اولديغندن دها
فضله عيسويلكه ياقيشير بر حال كوروپورز . نه مزه تي اويشاغه توصيه مز شودر :
اكر ملي عزت نفستدن دم اورمق ايسته يورسه هر شيدن اول بر دفعه كنديسي
حقيقي ماجار روحيله نه يه و كيملره خدمت ايتديكنه باقوب دوشونسون ، اوندن
صوكره سويله سين وظن ايدرز كه بوتقديرنه كنديسنه صوصمق دوشه جكدر ،
ده بىغ به نو

فانته زى حكايه :

ميربانه

— قرده شم عهد ساعه —

كوره نلر ديپور كه :- بو، بر سحر باز،
ماتمي شهبه لي ، سوزلري يالان.
بلكه ده بوچوبان باشقا برانسان ،
برانسان كه اونى كيمسه آ كلاماز ...

ديكله دم كچنده مراق ايدرك
ماجراسنى بن كندى آغزندن.
سحر باز دكل مش زواللى چوبان ،
اونى ده قلبندن قاناتمش فلك ...

• اولادم، سكسانلك برير اولدم باق،
• صاحبي آغارتدى اسن روز كارلر .
• بلكه ده اولاجق يارين بر مزار
• اوشوين قلمه شو قارا طوپراق .

شو مغرور باشلري كوكلره دكن
داغلك زمرددن ياما جلرنده
بركوچوك كوى وار كه آغا جلرنده
بلبلر اوتوشور: كلر آچار كن ...

بو كويده هر آقشام بر غريب چوبان
ماتملر ايكله تير شن قوالنه
سوروسى دونر كن سيسلى يوللردن
ياشلانان كوزيله دالار جهانه ...

صاچلري آغارمش ، صاقالى بياض
اللى تتره يور ياپراقار كيبى ..
نه ايچون آغلایور ، نه در سبى ؟
نشتمى وه رميور قلمه بوياز ؟ .